

# 卷一百三十七



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百三十七  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

丞 醞 主簿 掌醞署 太官署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監

司直 丞 評事 監 獄丞

彩色首頁1

東洋文化研究所漢籍目錄 編號: B3510400  
 東洋文化研究所漢籍目錄所藏漢籍善本文影像資料庫 索書號: 貴重-17  
 漢籍善本文影像資料庫文本杜氏通典二百卷 嘉靖十八年西樵方獻夫刊本  
 版權所有: 東京大學 東洋文化研究所  
 使用上的注意事項

與嚴鼓皆稟當時別旨而為儀注其宮臣陪從文武之官亦准臨時備略也備之言警備備皇太子每過太廟則左庶子奏式過乃復常

遣使弔弔諸王妃主外祖父母妃之父母師傳保宗戚貴臣上臺貴臣並與

計奏弔儀同

賻贈之其所弔官臣喪葬若有賻贈禮如計奏賻贈唯無馬

遣使致奠致奠外祖父母后之父母師傳保貴臣並與計奏致奠同

杜氏通典卷第一百三十六終

杜氏通典卷第一百三十七

禮九十七凶四 祭類三十二 大唐開元禮三十二

東宮妃聞喪聞父母祖父母喪 聞外祖父母喪 為諸王妃主舉哀 為良娣

以下舉哀並附

奔喪奔父母祖父母喪 臨喪 臨外祖父母喪 臨良娣以下喪

除喪除父母祖父母喪 除外祖父母喪

東宮妃聞喪

聞父母祖父母喪

皇太子妃為父母祖父母舉哀其日赴喪者至本司散下其禮所司隨職供辦訖舉哀前三刻司則版啓請中嚴掌筵先於別殿東壁下設薦為妃舉哀位西

何為祖父母則北壁下南向別殿前設幔下北面設  
良娣以下位西上前一刻女侍臨者集列於閣外便  
次司則一人升立於殿上東楹之南女史二人立於  
階下並西面至前一刻司則版啓外辦至時引妃出  
升殿侍衛如常典內版啓赴聞司則傳啓稱某官某  
夫以某月日辰薨妃啼若哭父母啼祖盡一哀問故  
又哭盡哀妃改素服良娣以下侍臨者皆素服哭入  
盡哀女侍者如司閫之引良娣以下入各就位司則  
稱拜女史承傳凡司則有詞良娣以下在位者皆再  
拜司則稱哭良娣以下在位者皆哭十五舉聲司則  
稱止良娣以下在位者皆止司則稱拜良娣以下在

位者皆再拜司則稱下女侍者引良娣以下退司則

跪啓請哭止妃止從臨者皆止妃退舍別次侍從者

侍衛如常於閣哭臨如常禮其日晡臨前一刻啓嚴

良娣以下赴集一刻啓辦至時引各復位司則跪奏

請哭妃哭臨如初良娣以下皆哭十五舉聲司則稱

止皆止但無拜其他如前儀妃為父母之舉哀也其

妃女亦素服引升位於戶內之東北面與妃俱哭於

良娣以下之退也贊止引退自後奔赴如別禮其有

疾故未及奔則自後朝晡赴集啓引即位哭臨如初

以至成服聞外祖父母喪則於別宮次其日晡臨後  
其日晡臨而止小功以下一舉哀而止其日內外應  
與諸王妃王同良媛以下一舉哀而止其日內外應

奉慰者赴集啓引即上下位次哭臨撫慰及拜哭奉慰如常禮其日宮官等應奉慰者赴集宮門奉慰如

常禮自三日成服本司散下其禮所司隨職供辦掌

筵先於妃舉哀別殿東壁下設素褥牀席為妃成服

位西向祖父母則北壁下南向所司先製妃齊練周

之服又製良娣以下服亦如之其日成服前三刻司

則版啓中嚴女侍臨者升列於別殿上哭不絕聲前

一刻司則於別殿前幔下整設良娣以下哭位如初

又於殿上妃位前設奉慰位良娣以下仍初服集列

於閣外次女侍者各以篋奉其練服進授仍替變服

焉司則一人升立於殿上東楹之南女史二人立於

階下並西面掌嚴以篋奉練服升東間北面立成服

前一刻司則版啓外辨妃仍初服即位侍衛如初

則跪啓請哭妃哭從臨者皆哭十五舉聲司則跪奏

請止成服妃止掌嚴以篋奉練服進跪授與仍贊變

服焉於變服則權設步障已而去之變服已司則又跪啓請哭妃哭

女侍者引良娣以下入即位司則稱拜良娣以下在

位者皆再拜司則稱哭良娣以下在位者皆哭十五

舉聲司則稱止良娣以下在位者皆止女侍者引良娣行首一人升詣妃位前跪奉慰與女侍者引降還本位司則稱拜良娣以下在位者皆再拜女侍者引良娣以下退司則跪啓哭止妃止從臨者皆止妃退舍別室如常禮侍從者侍衛如初於閣哭臨如初其



日晡臨前一刻啓嚴良娣以下赴集一刻啓辦引即位哭臨如初其有妃主應成服者則製小功五月之服引升即位如初與妃俱成服哭臨凡拜慰如良娣之儀於是良娣以下退贊止引退自後朝晡哭臨如初以至卒哭若公除則其爲曾祖高祖父母則與良娣以下俱成齊練三月之服如常禮爲外祖父母諸戚等舉哀並與祖父母同喪禮同其異者於別宮次其日晡臨後三朝哭臨而止諸王妃主以下一舉哀而止

奔喪

奔父母祖父母喪

本司散下其禮所司隨職供辦守宮先設行宮便殿之後及左右輔護良娣以下及諸陪從者便次如式



又於喪寢前設障幃爲良娣以下拜哭次主人五屬之親於妃未至之前集列於主人第其日出宮前四刻司則版啓請中嚴出宮前三刻諸率等備列常行仗衛鹵簿於所出宮門外內如常儀出宮前二刻導客舍人於主人第喪寢戶西若殯設薦席爲妃哭位東向其奔祖父母喪則戶內之西南廂北面導客舍人又於喪寢庭幔下北面重行設良娣以下哭位陪從者各服素服集列以候陪從如常服已成服則內廡尉進聖車其仗衛鹵簿並以次整列出宮門外內如常儀出宮前一刻司閨以下應陪從者並以次進迎如常小輿進於內庭至時司則又版啓外辦妃仍舉哀之服升輿出

服則服三面周以白布行帷至閣外妃降輿升堊車  
繚服內廡尉執御典內以下前導夾引輿司閨以下乘車  
陪從如常儀良娣以下應陪從者乘車以次序如常  
仗衛夾引妃哭從臨者隨哭不絕聲於妃未到之前  
司儀贊主人內外五屬之親並出就前堂哭其位如  
殯堂之儀導客舍人一人升立於喪寢東楹之南內  
給使二人立於階下並西面妃至主人第降車所司  
則啓請降入妃降車仍哭入自闔門三面周以行帷  
從臨者仍哭從不絕聲司閨以下哭從如初侍者夾  
扶主人降詣東階之南仍立哭其奔祖父母喪則衆  
主人仍立哭以待衆  
主人並降立於主人之後西面北上立哭以服精妃  
禮爲陪從

至喪寢庭主人哭止再拜仍立哭女侍者扶引妃哭

升自西側階進戶西跪憑戶撫心哭從臨者仍哭於

妃之升也導客舍人引良娣以下從奔者各權舍於

便次其仗衛鹵簿屯列於外內如常主人以下應升

者升各就位哭妃哭盡一哀仍扶引即位哭從臨者

仍哭若已殯則先引進靈前跪憑靈哭  
盡哀啓引退西面再拜乃即位哭導客舍人引

良娣以下入即班位導客舍人稱拜給使承傳唱再

拜統舍人有詞良娣以下在位者皆再拜導客舍人

稱哭良娣以下在位者皆哭十五舉聲導客舍人稱

止良娣以下在位者皆止若已成服則引行  
首升慰皆如常禮導客舍

人稱拜良娣以下在位者皆再拜訖導客舍人引良



婦以下退還便次司則跪啓妃哭止妃止哭從臨者

皆止妃退降即便次典內版啓解嚴將士仍不得其

成服已則宮官等應奉慰者並赴奉慰如常禮自後

妃依時哭臨如常禮其為父母若祖父母喪則其未

成服而奔則至成服日即與主人俱成服其奔父母

之喪則成服而還宮其有別勅令還宮則隨旨期其

未即還宮也則良娣以下及鹵簿仗衛應還者先還

留者與依時哭臨及成服則如妃之禮於妃還宮日

之朝也諸應等迎之官及仗衛鹵簿等並赴主人第

奉迎如式於還宮日車發前三刻司則版啓請中嚴

諸率等整列仗衛鹵簿於還塗如來儀至時司則版

啓外辨妃哭拜訖主人以下各列本次拜辭如初其

及張則司閨扶引妃降出侍從者如初妃至中門啓

哭止升車從臨者皆止三面周以行帷良娣以下乘

車序從如初妃至閣外司則跪啓請降入妃降車升

輿入典內以下陪從至閣如初典內版啓請解嚴諸

列鹵簿者各還其所自後赴葬及練祥則出入如初

禮皇太子妃於祖父母若父母之喪不赴喪則於啓

日之朝也與良娣以下服縗服啓引各即上下位次

哭臨拜慰如初若父在若祖父在為母若祖母之喪

十一月而小祥則與良娣以下於位次行變除之禮

易以練總除腰經哭臨受慰如常禮其稟旨行公除



之禮則十三日而除其行除禮如別條

臨喪

臨外祖父母喪

與奔祖父母喪禮同其異者乘常行之車其仗衛羽儀之屬則如平常而位於喪寢中間之西北壁下南面即位乃哭其主人內外五屬之親並哭於喪寢前後庭應升者如太子臨外祖父母喪主人以下待之禮皇太子妃每出臨若須嚴鼓並須准臨遠近及仗衛備畧備如常畧不備稟旨在於當時

臨良娣以下喪

妃臨良娣以下之喪本司散下其禮所司隨職供辦

降臨前一刻司則版啓請中嚴掌筵先於喪寢中間北廂設素褥牀席爲妃哭位南向腰輿進於內庭降臨前一刻司則版啓外辦妃服素服升輿出常侍從者侍衛如常至喪寢所降輿升喪寢即位坐哭侍從者侍衛如常於妃之將至也女侍者啓引亡者之子降東階之南西面再拜肥去服又女侍者啓引亡者之女北去戶降寢北面再拜引並升復位哭如初司則跪啓請哭妃哭從臨者皆哭十五舉聲跪啓止撫慰妃止女侍者引亡者之子詣妃前跪哭撫慰之子與再拜引退復位又引亡者之女如上禮司則跪啓請還妃升輿引降還侍衛如初於妃之降也侍者啓



引亡者之子降拜引升復位哭女侍者啓引亡者之女降拜引升復位哭並如初

除喪

除父母祖父母喪

妃除父母祖父母喪服之制本司散下其禮所司隨職供辦所司先製妃及良娣以下素服導客舍人先於別殿閣外整設良娣以下便次如初又於別殿前整設障幔為良娣以下拜哭位以十二月而除服於除服前之夜妃晡臨已有司除其故位次而設新褥牀席焉其日平明後而除服於除服前三刻司則啟殿中嚴女侍臨者升列於別殿上如晡臨如初除服前三刻



司則於別殿前幔下整設良娣以下位次又於殿上妃位前設席為跪奉慰位良娣以下仍縗服集列於閣外便次女侍者以篋奉其素服進授仍贊變除焉司則一人升立於堂上東楹之南女史二人立於堂下並西面掌嚴以篋奉素服升東間北面立前一刻司則版啓外辦妃仍服縗服引出升即位次常侍從者侍如初妃哭從臨者皆哭十五舉聲司則跪啓哭止從禮制除服妃止掌嚴以篋奉素服進跪授興仍贊變除焉於變服則權設步障已而變除已司則又跪啓去之其侍臨者亦從變除請哭妃哭女侍者引良娣以下入即班位司則稱拜女史承傳唱可拜凡司則有詞良娣以下在位者皆

再拜司則稱哭良娣以下在位者皆哭十五舉聲司則稱止良娣以下在位者皆止女侍者引良娣行首一人升進妃前席位跪奉慰興女侍者引降還本位司則稱拜良娣以下在位者皆拜女侍者引良娣以出各還宮寢如常禮司則跪啓請哭止還妃哭止從臨者皆止妃降還內寢侍衛如初除外祖父母服與祖父母服同其行公除之禮則五日而除

杜氏通典卷第一百二十七

杜氏通典卷第一百二十八

禮九十八凶五 纂類三十三 大唐開元禮三十三

三品以上喪上四品以下至庶人附

初終 復 設牀

奠 沐浴 襲

舍 赴闕 勅使弔

銘 重 陳小歛衣

奠 小歛 歛髮

奠 陳大歛衣 奠

大歛 奠 廬次

成服 朝夕哭奠 賓弔